

Gih Raeuz 685 Boux Nyezoiq Nyezrauh Dieg Gungzhoj Ndaej Okrog Bae Youh Yawj Youh Hag

8 nyied 11 hauh, aen yizsiz hainduj guh yalingyingz “sim lwgnyez coh aendangj—nyezoiq nyezrauh dieg gungzhoj sim’ angq majhung” youq Bwzswz Gijyi Gijnen’ gvanj gawjhengz, baez yalingyingz neix youz Swcigh Vwnzmingzban、Swcigh Gvanhgunghvej guhgyaeuj banh, daengx gih 14 aen si dieg gungzhoj 685 aen cunh gunh miz 685 boux lwgnyez gak minzcuz camgya, gyoengqde binjdwz caeuq hagsib cungj ndei, youq 8 nyied 11 hauh daengz 15 hauh bae dieg wng youh yawj youh hag.

(Lingz Cungh Luz Gez)

► Gyoengq hagseng cingq yawj caeuq hag dinfwngz siuanvieb.



Yungzsuij: Gyoengq Hagseng Ranzgungzhoj Mbouj Yungh Okcienz Hag Vehveh

8 nyied 13 hauh, Yungzsuij Myauzcuz Sw-ciyen Minzcuz Gauhgiz Cunghyoj sam nienzgaep gyoengq hagseng ranz-gungzhoj youq ndaw hag-dangz hag vehveh. Duenh sujgyaj, vihliux mbouj hawj gyoengq yisuzswngn ranz-gungzhoj bae baihgrog hag cix ok cienzahg. Aen hag-dangz neix mbouj sou cienz ok dieg hawj gyoengq hagseng neix youq ndaw hagdangz hag vehveh, youh nda lauxsae son gyoengqde dem, gyoengq hagseng neix cungj sim angqvauvau.

(Liu Swjyenh)



▲ Gyoengq hagseng ranzgungzhoj haeujsim hag vehveh.

Yungzanh: Gyoengqvunz Ranzgungzhoj Ndaej Youq Henz Ranz Hag Dinfwngz Raed Byoemgyaeuj Cang Yienghsiengq

8 nyied 12 hauh, gyoengq hagseng Nanzningz youq Sanhgyangh Duncuz Swciyen Doujgyangh Cin Yazlinz Cunh Mbanjsiujlungzswng doengh fwngz guh ceiz、mbaet caz、cauj caz、guh caz daengj. Ciuq cam rox, Nanzningz Si Dohlahmung 2020 Nienz Sujgyaj Sanhgyangh Feihyiz Yenzyozdonz daengz aen yienh neix youh yawj youh hag, caenndang yawj roxnaeuz daejniemh doenghgij vwnzva feihyiz lumj ranzlaeuz caeuq giuz Duncuz、doxgaiq yinhyoz Duncuz、veh nungzminz Duncuz、ngaizdonq bak ranz Duncuz daengj.

(Gungh Bujangh Lungz Gyahcen)



▲ Lauxsae son bouxhag raed byoem.

“Seizneix ndaej youq henz ranz hag dinfwngz, coglaeng okrog bae ra hong hoz couh lai net lo.” 8 nyied 12 hauh, youq Yungzanh Yen Fuzsiz Cin gizdieg vunz ranzgungzhoj senj dieg comzyouq, boux ranzgungzhoj daeuj hag dinfwngz de heuhguh Cinz Dingz baenzneix naeuz. Ngoenz de, Yungzanh Yen Yinzsegiz youq giz neix hai ban son vunz hag dinfwngz raed byoemgyaeuj cang yienghsiengq lumj bien byoem、raed byoem、rad byoem daengj, neix hawj gyoengq vunz ranzgungzhoj miz dinfwngz, ndaej duetgungz lai onj、lai ndei.

(Danz Gaijhingh Vangz Yinz)